

«Ի ժամանակս Մեծին Կոստանդիանոսի իբրև՞ ի յայտ եկին մարմինք նոցա . . . ետ թաղել ի վայելուչ տեղւոջ»:

«Բայց այս եղիցի ի ժամանակս յետինս) յորժամ յայտնեսցին նշխարք սրբոց Սուքիասանց քօշիցն, զորս ես (Մեծն Կոստանդիանոս) ամփոփեցի առաջնորդութեամբ հրեշտակի տեան ի Բազրևանդ դաւառի . . . »:

«Սուրբ Գրիգոր Լուսաւորիչն մեր գնացեալ անդ ի Սուկաէտ լեառն շինեաց եկեղեցիս ի տեղի վկայութեան Սուքիասանց քօշից՝ և կարգեաց անդէն զգասս կրօնաւորաց»:

«Ի վայելուչ տեղւոջ՝» ասուած խօսքից կերևի որ յարմար վայր մի ամփոփած են Սրբոց նշխարներն սակայն այս կողերու վրայ ո և է յարմար վայր չը կայ, բացի վերոյ ասուած վայրից, որ ոմանք վրանաբնակ քրդերու գերեզմաններ կը կարծեն:

«Սուրբն Գրիգոր Լուսաւորիչն մեր . . . շինեաց եկեղեցիս ի տեղի վկայութեան . . . կարգեաց անդէն զգասս կրօնաւորաց» խօսքերից ևս կերևի որ վկայութեան վայրը եկեղեցի շինուած է որ հետքն անգամ չերևիր, բացի $\frac{1}{2}$ ժամ յարևմուտս հարաւ գտնուած Ազրաւայ ձորի մէջ Զետկանայ Կարմիր կամ Լուսաւորչայ մատուռից, որ ունի հնութեան հետքեր, վայելուչ տեղ շինուած, միաբանութեան սենեակներ, որպէս Զետկան գիւղի տեղադրութեան մէջ մասնաւոր ինչ խօսուած է:

Այս վայրը որչափ որ պատմագրոց վկայութեան յարմար կգայ, բայց բոլորովին խուլ ձորակի մի մէջ լինելն ինձ կարծել կըտայ՝ թէ Ս. Լուսաւորիչ շինած է, երկիւղ կրելով կռապաշտութիւնից այս առանձնութիւնը յարմար վայր ընտրած և Սրբոց նշխարներն անդ ամփոփած և շինած է եկեղեցի:

Քանի տարիներ առաջ Խոփուզ գիւղն, որ Սրբոցս